

cipibus: verum illegitimè: non mixtam, sed confusam habere istam potestatem.

82. Et constat ex scripturis non licuisse ullis Episcopis accipere à Regibus ullum aliquod temporale dominium in urbes & provincias, multò minus sibi ipsis usurpare, minimè omnium bello armisq; vendicare: sed potestatem illam omnem politico magistratui fuisse relinquendam.

83. Etiam si igitur tenent potestatem & dominium temporale jure quodam humano: tamen veri Episcopi non sunt, & Episcopale nihil, præter solum nomen & titulum, retinent.

84. Et tantò quidem intolerabilior est hæc Episcoporum licentia & dominandi libido, dum præter temporalem illam potestatem mixtam & absolutam; in spiritualibus etiam jus sibi arrogent, instituendi ceremonias in Ecclesia, condendi leges, quæ obligent in conscientia: Ac jurisdictionem hanc verè coactivam esse dicunt.

85. Quæ profectò opinio gravissimis laborat incommodis: Nam 1. opprimitur doctrina de fide & justitia fidei, ac gloria meriti Christi læditur. Dum enim in immensum crevit constitutionum istiusmodi congeries: res ipsa docuit, magis magisque obscuratam, & tandem tantum non prorsus extinctam esse doctrinam de Christo, ejusdemq; meritis.

Deinde